



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 622, Datë 13.05.2019

“Mbi autorizimin e përqendrimit të realizuar nëpërmjet blerjes së 100% të kuotave të shoqërisë Atlas Mills SHPK nga shoqëria Besniku SHPK.”

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 13.05.2019, shqyrtoi çështjen me:

Objekti: Autorizimi i përqendrimit të realizuar nëpërmjet blerjes së 100% të kuotave të shoqërisë Atlas Mills SHPK nga shoqëria Besniku SHPK.

Baza Ligjore: Ligji Nr. 9121, datë 28.07.2003 “Për Mbrojtjen e Konkurrencës”, i ndryshuar, nenet 2; 10; 12, neni 24, germa d; dhe nenet 53-64. Rregullorja “Për zbatimin e procedurave të përqendrimit të ndërmarrjeve”, Udhëzimi “Për formën e njoftimit të përqendrimit” dhe formulari i njoftimit të përqendrimit.

Komisioni i Konkurrencës, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve, mbi njoftimin e përqendrimit në lidhje me blerjen e 100% të kuotave të shoqërisë Atlas Mills SHPK nga shoqëria Besniku SHPK.

VËREN SE :

Procedura dhe transaksioni

Pranë Autoritetit të Konkurrencës është depozituar dokumentacioni përkatës në lidhje me blerjen e 100% të kuotave të shoqërisë Atlas Mills SHPK nga shoqëria Besniku SHPK.

Pala Blerëse: Besniku SHPK, është një shoqëri me përgjegjësi të kufizuar e regjistruar pranë Qendrës Kombëtare të Biznesit në datë 15.03.1999, me objekt të aktivitetit tregtim mallrash e produktesh bujqësore e blegtorale me shumicë dhe pakicë, import-eksport i tyre, prodhim, stampim e fabrikim i miellrave të llojeve të ndryshme, tregtim me shumicë dhe pakicë i tyre, grumbullim e përpunim bimësh bujqësore e medicinale, etj. Shoqëria zotërohet nga ortaku i vetëm Z. Dervish Domi

Pala Shitëse: Atlas Mills SHPK, një shoqëri me përgjegjësi të kufizuar e regjistruar pranë Qendrës Kombëtare të Biznesit në datë 03.04.2018, me objekt të aktivitetit kryesisht në përpunimin, prodhimin, paketimin dhe tregtimin e miellit, operimin në biznese industriale dhe tregtare që kanë lidhje me industrinë e miellit, marketingun e grurit dhe prodhimet e tjera bujqësore, etj. Shoqëria zotërohet nga z. Dimitrios Thomoglou.

Me vendim e Asamblesë së Përgjithshme të shoqërisë Atlas SHA, aksionaret e shoqërisë vendosën të miratonin transferimi i biznesit (veprimtarisë ekonomike) të përpunimit dhe tregtimit të miellit nga Atlas SHA tek shoqëria Atlas Mills SHPK. Shoqëria Atlas SHA është një shoqëri aksionare e regjistruar pranë Qendrës Kombëtare të Biznesit në vitin 1995, me objekt përdorimin e një fabrike mielli dhe operimin në biznese industrial edhe tregtare të lidhura me industrinë e miellit, prodhimin e ushqimeve të kafshëve dhe të grurit në përgjithësi.

Në datë 28 Shtator 2018, zotëruesit e shoqërive Atlas Mills SHPK dhe Besniku SHPK, kanë lidhur marrëveshjen “Kontratë Shitje Kuotash”, ku Z. Dimitrios Thomoglou (shitësi), në cilësinë e pronarit të “kuotës” së kapitalit të shoqërisë Atlas Mills SHPK i shet shoqërisë Besniku SHPK (blerësi) kuotën e vetme të kapitalit të shoqërisë Atlas Mills SHPK kuotë e cila rezulton të jetë 100% e kapitalit të shoqërisë Atlas Mills SHPK.

Palët në transaksion plotësojnë kriteret e përcaktuar në nenin 10, pika b) dhe nenin 12, pika 1 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar dhe si rrjedhojë ky transaksion është objekt autorizimi nga Komisioni i Konkurrencës.

Vlerësimi i përqendrimit

Mbështetur në veprimtarinë e palëve në transaksion si dhe referuar nenit 3, pika 7, të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar, Udhëzimit Nr.76, datë 07.04.2008 “Për përcaktimin e tregut përkatës”, treg përkatës i produktit u konsiderua tregu i importit të grurit, tregu i importit të miellit dhe tregu i përpunimit dhe tregtimit të miellit dhe treg përkatës gjeografik konsiderohet territori i Republikës së Shqipërisë.

Tregu i importit të grurit

Në Shqipëri, nevojat për grurë sigurohen nga tregu ndërkombëtar dhe prodhimi vendas, ku pjesën më të madhe të grurit të importuar e përbën gruri i zakonshëm i cili shërben si lëndë e parë për ndërmarrjet e prodhimit dhe tregtimit të miellit.

Tregu i importit të grurit rezulton të jetë një treg mesatarisht i përqendruar me një indeks përqendrimi në vlerën XXX. Konkurrentët kryesor në tregun e importit të grurit janë shoqëria [...] SHPK e cila zotëron XX% të tregut, shoqëria [...] me XX% të tregut dhe shoqëria [...] me XX% të tregut. Në treg operojnë edhe 52 shoqëri të tjera, ku 40 prej tyre zënë pjesë tregu më të vogël se XX%.

Besniku SHPK zë XX% të këtij tregu ndërsa Atlas SHA zë XX%. Pjesa e kombinuar e tregut e Besniku SHPK dhe Atlas SHA shkon në XX%.

Duke ju referuar të dhënave të Drejtorisë së Përgjithshme të Doganave (DPD) për periudhën janar-shtator 2018 për importin e grurit, rezulton se shoqëria Besniku SHPK ka rritur sasinë e grurit të importuar nga XXX ton në vitin 2017 në XXX ton për periudhën janar-shtator 2018, ku tregohet qarte se shoqëria po përgatitet për hyrjen në

tregun e përpunimit të grurit, ndërkohë që Atlas SHA nuk ka realizuar importe për të njëjtën periudhë të vitit 2018.

Tregu i importit të miellit

Oferta në treg për miell mbulohet nga importi i miellit si dhe prodhimi i miellit nga fabrikat përpunimit të grurit.

Duke ju referuar të dhënave të DPD, tregu i importit të miellit ka mbuluar për vitin 2017 rreth XX% të nevojave ose rreth XX mijë ton miell.

Tregu i importit të miellit rezulton të jetë një treg mesatarisht i përqendruar me një HHI XXX. Konkurrentët kryesor në tregun e importit të miellit janë shoqëria [...] e cila zotëron XX% të tregut, shoqëria [...] me XX% të tregut dhe shoqëria [...] me XX% të tregut.

Atlas SHA zë XX% të tregut. Pjesa e kombinuar e tregut e Besniku SHPK dhe Atlas SHA shkon në XX%.

Tregu i përpunimit dhe tregimit të miellit

Tregu i prodhimit të miellit mund të konsiderohet si treg mesatarisht i përqendruar me një indeks përqendrimi në vlerën XXX. Prodhuesit kryesor janë [...] me XX% të tregut, [...] me XX% të tregut secili, dhe [...] me XX% të tregut.

Atlas Mills SHPK nuk ka ekzistuar në tregun e prodhimit të miellit për vitin 2017, por shitja e aktivitetit ekonomik nga Atlas SHA në Atlas Mills SHPK i ka ofruar Atlas Mills SHPK një pjesë prej XX% të tregut të prodhimit të miellit. Besniku SHPK nuk është prezent në këtë treg.

Pas transaksionit, pala blerëse do të marrë në shfrytëzim një fabrike të përpunimit të grurit dhe prodhimit të miellit duke hyrë në tregun e prodhimit të miellit në vend dhe për rrjedhojë edhe në tregun e importit të grurit.

Nga analiza e strukturës së tregut përkatës së produktit konkludojmë se, transaksioni i synuar nuk do të sjellë ndryshime domethënëse në tregun shqiptar. Pjesa e kombinuar e tregut pas përqendrimit nuk krijon shqetësime për konkurrencën në treg.

PËR KËTO ARSYE:

Komisioni i Konkurrencës, në bazë të nenit 24, shkronja d dhe nenit 56 pika 1 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar,

VENDOSI:

1. Të autorizojë përqendrimin e realizuar nëpërmjet blerjes së 100 % të kuotave të shoqërisë Atlas Mills SHPK nga shoqëria Besniku SHPK.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

KOMISIONI I KONKURRENCËS